

中國方志叢書·第十七號

據清道光二十六年周誠之撰


影印

廣西

# 龍勝廳志

6099425

成文出版社印行



中華民國五十六年五月壹一版

龍勝廳志 全一冊

定價：新台幣一二〇元

發行人：黃 成 助

臺北郵政信箱二二六〇五號

出版者：成 文 出版社

臺北郵政信箱二二六〇五號

印刷者：正 大 印 製 廠


三重市長生街二號之一

有所權版

內政部登記證內版臺業字第 一一四七號

龍勝廳志

番禺葉恭綽



丙子孟冬

龍勝廳志

龍志澤




中非藝術園  
十版口表十  
二  
影月

道光丙午季夏刊

廣西龍勝廳志

好古堂藏板





龍勝廳志序

我

國家

聖

聖相承覆育四海罔有內外悉主悉臣幅幘之廣亘

古所無粵西昔屬蠻荒至

昭代而羈縻之地咸入版圖文物聲明比隆中土讀

通志一書典章制度縷晰條分足以信今傳後  
其餘一郡一邑又復各輯志書用存一邦文獻  
惟桂林西北之龍勝處萬山之中叢篁深箐徭  
獞雜居乾隆五年苗民蠢動始移桂林通判專  
轄其地一切創置規模未備方策無徵故載入  
省志者寥寥無幾乾隆辛巳庚辰間金哲訓別  
駕曾任是地搜訪其山川院塞宵小竄匿之所

著桑江紀要一書某宜屯兵某宜置戍部居別  
白若指諸掌今其書已散佚無存將欲草創討  
論煥邊徼以文章此編摩攷訂之所以難也周  
霽嵐明府攝篆是邦稽之往籍訪之輿論覈實  
徵信絜要提綱成龍勝廳志一卷索序於余余  
按方國之志掌於外史將以紀形勝辨土俗詳  
其興廢得失為求治者之龜鑒故江文通謂作

史莫難於志古來如李吉甫元和郡縣志樂史  
太平寰宇記王存元豐九域志祝穆方輿勝覽  
等書採摭繁富足為攷証之淵海地理之大觀  
其以簡勝者明韓邦靖撰朝邑縣志二卷論者  
謂書僅二十餘篇而上下數千年包括鉅細敘  
次點綴若有餘閒無局促東縛之迹明以來推  
為絕作今霽嵐此書義例分明綱目具括頗費

苦心然則覽形勝關隘知備禦不可無方按戶  
口田賦知生聚不可無術任職官則敬慎而念  
民依建學校則鼓舞以伸士氣采風俗即當徐  
圖化導核物產即當默驗盈虧治道之綱維民  
生之利病胥於是乎在况運會所開日趨於盛  
繼自今民物之殷阜俊乂之衆多風化之淳良  
禮樂之明備必有什百於是編之所載者霽嵐

新任義甯與龍勝接壤於以因地利民設誠致  
行仰副

聖天子設官分職加惠邊氓之至意則此志也豈僅  
謂規制具備為方隅潤色而已哉

道光歲次丙午嘉平月中浣山左濟水馮德馨  
撰並書

龍勝廳志序

此龍勝廳志全冊義寧新尹吾宗

霽嵐南宮之所作也其地屬桂林郡治爲府  
別乘所分轄土著半皆苗徭人多獷野故俗  
惟尙質性且難馴蓋自

國朝初入版圖近年來亦駸駸乎解編髮而慕  
義是在守土者有以潛移默化未嘗不可期

於道一而風同也霽嵐以九江名進士出宰  
嶺南先是代庖斯篆休沐之暇乃創爲廳志  
旁徵博引綴輯成編今年冬予以恭膺

簡命視學粵西甫到官見學政全書有龍勝廳增  
設學額二名之條此嘉慶三年事數十年

聲教所訖意者人才必漸有可觀匪特爲羈縻勿  
絕而已採風固使者之責例得冊報山川圖



誌備覽以資考核諸郡邑舊存志乘方將緘  
乞於所司會霽嵐勾當公事小住桂垣晉接  
之餘出此編示予而問序讀竟不禁恍然有  
慨於霽嵐之爲政也龍勝素稱難治僻陋相  
仍夫以盤根錯節之區不存五日京兆之見  
而獨留意於是文獻足徵是其於治聿有猷  
爲誠能知所先務矣古循良吏何多讓焉今

義寧與龍勝界適毗連吾知霽嵐涖任以來  
必當多所述作將慧山壤接共爲

昇平文物之邦而瘴雨蠻烟悉被化於

堯天

舜日也已予與霽嵐相交日淺因讀是編而知其  
人不失讀書本色然無論夫筆墨之工而深  
歎夫爲政能知體要爰疏其崖略以爲之弁

云

誥授奉直大夫

賜進士及第

欽命提督廣西全省學政翰林院編修宗愚弟周

學濬頓首拜撰

--	--	--	--

龍勝廳志序

郡縣之有志所以著其地之山川城郭與其  
世之人物藝文卽小邑以覘大同考獻徵文  
將於是乎在斯誠守土者之責而非尠見寡  
聞之士所能爲也同年

周霽嵐大令博學洽聞尤長於識所治凡諸  
興革莫不令行而禁止丙午秋相聚桂林以

所鈺龍勝廳志見示屬爲弁言蓋其舊權是  
邦通守所輯也其書曾不盈指由分野以至  
積貯部別類分略具眉目居然一小結構所  
謂大輅之椎輪層冰之積水也獨是龍屬爲  
粵中邊鄙地多險隘民雜猺獞其人文都無  
足述卽諸書所載土著各異名形狀其說亦  
多不一難可考証始予以爲彼區自我

朝乾隆初戡定建置嘉慶間又設立學額迄  
今百有餘年當

文教昌明之世彬彬日盛宜一變其風土人  
情僅列土苗是編似可不作由是更數十百  
年果能蒸蒸向化摩義漸仁則其中人物必  
有異於疇昔相與悔其前日而改易之是編  
雖作或且可以不存旣而思之伏羲神農黃

帝以前自盤古以逮燧人巢居穴處飲血茹  
毛作史者何爲及之讀史者又何爲至今存  
之豈不以其風沕穆其俗淳龐欲使世變風  
移之後猶知其本始故乎然則 霽嵐之創  
爲是編也其亦有見於斯他日之纂修志乘  
者此其濫觴而是邦之文物振興也此其嚆  
矢矣



欽命翰林院修撰提督廣西全省學政年愚  
弟李承霖拜撰

--	--	--	--	--	--	--	--

龍勝廳志序

天下輿地歷代之得失載於史詳矣惟我

朝幅員最廣蒙古回部諸落固不可以里計而臺灣新疆  
金川西藏皆創獲龍勝舊爲苗寨屬義寧僅有桑江巡檢  
羈縻之至乾隆五年秋吳金銀亂平六年始設通判一巡  
檢二副將一都守以下各弁統重兵駐之以苗民易動且  
毗連南楚爲桂林屏蔽故策之完且善如是蓋


皇威之暢亘古立隆矣廳設甫越百年文籍闕如余莅任

五閱月公餘稽往牒訪耆老緝成廳志一本雖未免簡略  
然以備修史之採殆庶乎始基之乎道光丙午元旦序  
賜進士出身文林郎知義寧縣事周誠之撰

龍騰莊圖

北 隘水橫至里百一路北

東附大山慈保層總嶂不通道路東




南 至里十二百一路南

東南路百八十里至義寧

界交縣步城興

北北路通湖南經寧縣界

二營交界




西路二百里由石村汛西路與湖南經寧縣交界

西南路二百里至石門塘

界交遠營

界交縣遠與監錢金省本

# 軫宿圖





龍勝廳志

湖口周誠之霽嵐甫著

男德基伯履校字

原始○龍勝一名桑江桂林郡西北之邊鄙也幅員遼濶袤  
延數百里處萬山之中烟瘴最重水土極劣生其間者種  
類各別性愚而悍崗寨三百三十有四碁布星列西北界  
湖南之城步綏寧武岡各州縣東南界桂林屬之全州永  
寧靈川興安義寧及柳州屬之融縣懷遠雖曰邊徼實粵  
西之藩籬桂林之肘腋其人爲苗爲猺爲伶爲獞爲猓錯

處並居言語不通衣服異制歷代皆羈縻之爲刑政所不及乾隆五年夏四月桑江四崗苗酋吳金銀等謀不軌結城綏逆苗楊青保爲援羅致本處狗彘楊老襄及張家寨苗張老金爲輔始以挖窖邪說惑眾歛錢繼則恃勢鴟張劫奪人犯漸且威脅村落擾動烟竹坪等處時巡撫安不忍遽加剪滅特宣示諭檄義寧縣知縣倪國正臨桂縣丞吳嗣昌吏目魯懋巡檢魯器蔡多奇外委千總潘貴爲之招撫國正令堡目率堡卒前往張示逆首潛殺之國正等

挺身詣賊巢剴切撫諭賊黨擁歸寨尚備極楚辱國正等  
正言厲色侃侃不撓遂皆遇害惟蔡多奇踰嶺走免事

聞奉

旨命楚粵二省調兵合勦時黔督張廣泗入都有

旨留駐城綏經略諸路總督馬移駐桂林

巡撫安提督譚

會派總

統分兵進剿副將許應虎由瓢里一路進以右江道後官

總制黔西李爲監紀隨營贊理軍務撫卹良苗鞠訊俘獲

叅將張森由貝子堡一路進以思恩府同知王溥爲監紀

遊擊楊剛由龍勝一路進以桂林府知府張永熹爲監紀糧餉亦分三路轉運柳州府知府吳秉正總理瓢里水陸軍務桂林通判汪上陞隨營支放平樂府同知錢志和總理龍勝陸路軍務宣化縣知縣宋厥隨營支放靈川縣知縣朱紅總理貝子堡水陸軍務梧州府同知宋齊馨隨營支放差遣人員於正佐中揀調糧餉附近各路碾運支應提督專駐石村以觀進取逆賊布立旗幟分路抗敵六月三十日初戰於平黃江口逆命次子吳老賤僞稱小將軍

督兵前距中礮死復於閏六月初二日埋伏莽道戕傷探  
路官兵十五人堡卒十人并刦忻城土司營盤十八日賊  
恃故智如前抗拒我軍疾馳奮擊所向披靡遂敗賊於石  
村自此勢如破竹連下二十餘寨時總統許應虎駐平鄧  
寨與楚兵駐長安營者犄角中有粵西之盤胖與逼近楚  
省之傳索等寨復相勾結計圖橫截兩省官兵我兵出不  
意搗賊巢殺戮焚燒殆盡於是新附逆苗聞風膽喪八月  
初一日破都鰲初二日破獨車初五六等日燬白水等寨

而獨車勢居險要爲首逆吳金銀逋逃之藪都鰲旣破逆  
遂乘間竄匿於白水寨之箐中我軍重圍密布無路可遁  
初七日擒首逆吳金銀於琉璃山從逆石道成吳中科吳  
老留等皆受縛焉其逆苗張老金分距貝子堡龍勝兩路  
官兵於七月十七日齊集白崖斬逆僞將蔣進祿僞軍師  
蒙申第十八日連破里市等寨礮擊僞銅將軍粟老焦賊  
勢大挫黨漸解散而恃險負固者尙有張家寨此老金巢  
穴亦逆苗之渠魁也於時駐芙蓉寨之總統張霖駐尙頭

山之總統楊剛兩路夾擊遂破張家寨擒楊盛聰盛仁及  
僞軍師吳再元之子吳正讓窮搜張老金吳再元二逆二  
逆携孥竄小江逸楚省九月初六八九等日粵楚會勦城  
綏腊里及通道通水等寨張老金復嘯聚餘孽附楚逆楊  
青保拒敵我兵陣斬狗彘鳳淑宇王老隴總統楊剛生擒  
張老金楊老襄等自此由楚而粵分搜餘逆遂奏大捷龍  
勝桑江平計獲首從各犯三百三十六名戮於軍中者九  
百九十二名俘獲逆屬六百九十五名安插投誠釋罪者

三百四十六戶撫定者百十餘寨其倡亂戕官之吳金銀  
楊老襄處以寸殛病斃之張老金戮屍梟示餘各按擬題  
結經略張遵

旨將在事文武第其功績請敘兵卒皆予賞賚死事文武  
分別贈廕建五忠祠春秋致祭病歿者賞恤有差遂集議  
善後以桑江本義寧所屬距縣百七十里撫約苗犒鞭長  
莫及而原設之桑江司巡檢未足以資彈壓酌於桑江適  
中龍勝之地文員則以桂林捕盜通判移駐專責理苗設



兩巡檢以供指使武員則設義寧協副將都司守備各一員千總四員把總八員外委馬步兵丁列左右二營副將領左營都司分管千把兵丁各半與通判同駐龍勝其右營守備別駐廣南所管亦如之各建城一座其兩營所轄險要之地如龍甸芙蓉等七處分派千把外委帶兵駐防分立三十九塘撥兵駐守連絡七汛互相巡察總計徵兵九千有餘人軍資二十九萬餘兩自五月迄九月不半載粵楚苗疆蕩平三千餘里數十年來苗獠狔獍狗向化革

面至於今貼然惟是苗民椎魯撫之者當示之以寬厚而不事煩苛濟之以嚴明而無爲選懦體

聖朝仁育義正之懷以爲久安長治之策可與兩階之盛烈並垂不朽矣竊慮建置之原日久湮沒無可考證爰是發陳篋得前通守金岳紀略復詢之耆舊親履其地圖繪形勢攄陳梗槩以備誌乘之採擇焉

嘉慶十三年十一月  
通判胡起鳳詳冊

分野○桂林爲鶉尾分翼軫分野在軫十二度嶺南道蓋古揚州之南境漢南海鬱林蒼梧珠崖儋耳交趾合浦九真

日南等郡韶廣康端封梧藤羅雷崖以東爲星紀分桂柳  
鬱林富昭蒙龔繡容白羅而西及安南爲鶉尾分

以上本唐書地

里志  
諸書

沿革○龍勝通判駐轄地自漢至隋爲始安縣地唐屬靈川

縣五代至明屬義寧縣

本朝因之乾隆六年改桂林府捕盜通判設理苗通判駐

轄

輿地○府西北一百三十里東西距二百五十五里南北距

三百一十五里東至牛脛隘接靈川縣界一百三十里西  
至獨境塘接湖南綏寧縣界一百二十五里南至丁嶺接  
義寧縣界一百里北至芙蓉汛接湖南城步縣界九十里  
東南至赤林嶺接靈川縣界一百三十五里西北至附子  
隘接湖南武岡州界一百三十五里西南至石門隘接柳  
州府懷遠縣界一百一十里東北至橫水隘接湖南城步  
縣界九十里

山○迎春山城東二里小南山城南二里香爐山城西二里

拱北山城北四里龍後山自城東五里起綿亘百餘里勒  
黃山城西五里大南山城南七里都乃山城南十五里里  
五山城北十五里金竹山城東南二十五里大架山城南  
三十里官衙山城東南三十里沂潭山城北三十里石村  
山城南五十里丁嶺城東南五十里茶林山城北四十里  
孟山城東北六十里活雀山城東北六十里白崖山城北  
六十里馬蹄山城北六十里獨境山城南七十里百福山  
城南七十五里孟坳山城北七十五里張家山城北七

十五里龍脊山城東八十里產龍脊茶向辦土貢近年停  
止黃祥山城東八十里杉本嶺城西南八十里思隴山城  
南九十里棉竹山城東南九十里芙蓉山城北九十里盤  
山城東一百里煖水山城東一百里大羅山城東南一百  
里綿亘百數十里爲東南屏障廣南山城西北一百里佈  
隴山城北一百五里昌背山城西北一百一十里水銀山  
城東一百二十里羊灣山城北一百二十里龍坪山城西  
北一百二十五里雞心界山城北一百三十里附子山城

西北一百三十五里都敖山城西北一百四十里太平山  
城北一百四十里藍山城北一百五十里隴圍山城北一  
百六十五里沉田山城北一百八十里牛流山城北一百  
九十五里地靈山城北二百十里武川大山城北二百二  
十五里

川○桑江獨車溪出湖南綏寧山箐中由龍坪過石村孟均  
下達瓢里貝子溪出湖南城步境由橫水隘入境過活雀  
龍甸沂潭里五至龍勝下達瓢里芙蓉溪出湖南城步境

由張家塘馬蹄山合龍甸溪至龍勝下達瓢里太平溪出  
 藍山由羊灣佈隴至石村塘合流下達瓢里牛脛溪出與  
 安由官衙塘拐江塘至龍勝西門由勒黃都乃大架羊額  
 合流下達瓢里

以上諸水皆匯流至瓢里  
 由思隴至懷遠縣入柳江

山川形勢說

龍勝之地縱橫三百餘里龍勝處其中四面綿長百數十  
 里其間崇山萬疊峭壁千尋而寬平廣濶之處甚少正南  
 及東南西南雖有丁嶺之危大羅山之荒僻石門隘之橫



插金錢隘小婆隘之險要皆本省交界尙在肘腋之間而  
安營設汛獨重於正北及東北西北以其接壤於楚南城  
步綏寧之苗寨也設義寧協副將一員都司守備各一員  
千總四把總八外委十二兵丁八百八十七名分爲左右  
兩營建龍勝廣南石城兩座龍勝則通判與副將左營都  
司及龍勝司巡檢千把外委居之兵三百二十九名廣南  
距龍勝西北百四十里以右營守備帶千把外委居之兵  
一百八十四名而廣南司巡檢則駐瓢里焉除義寧汛外

龍勝共立七汛石村汛把總一員兵七十四名分三塘守  
接壤綏寧之界牌隘獨車汛爲首逆巢穴地勢扼要干把  
各一員兵八十名內分七塘守土地凹緊要對綏寧營之  
臨口汛守附子隘接綏寧長安營之地靈汛小江汛把總  
外委各一員兵四十五名內分四塘守武川隘與湖南長  
安營界芙蓉汛千總一員外委一員兵八十五名內分七  
塘守蓬崗隘橫水隘皆連絡城步縣武岡營之蜡里汛貝  
子汛外委一員兵十九名分三塘守皮水隘接連楚省武

岡營之紅沙洲守猪婆隘接本省全州營之泮水汛七汛之中獨立五汛於偏北極邊之地所以捍外而衛內也其列於東北者則有龍甸汛把總一員兵三十名分爲四塘列於西南者則有瓢里汛外委一員兵二十五名分爲三塘正以連絡內地而表裏皆資防禦矣又有金錢隘設堡目一名堡卒八名貝子堡設堡目一名堡卒七十五名此則隸於文員雖不列營伍而均有守禦附近各隘之責者也惟正東面係大山其後皆摩雲岡嶺無路可通故未設

汎分塘至於二城七汎共三十九塘或十里或十五里聲  
 息相通盤查嚴密不特本營會哨卽城步綏寧懷遠等縣  
 相接各汎亦每月定有會哨之期此誠因地制宜之善策  
 直奠安苗境於萬年者矣是爲記

記不知出何人手筆所  
 紀甚爲明晰錄之以備

形勢  
 之說

關隘○義寧焦嶺隘縣東北五十里界連靈川藍田堡又閃  
 嶺隘縣北四十里皆雜處猺獞並設塘兵汎守白面砦在  
 縣西爲諸蠻嘯聚處貝子堡縣西北桑江口北東屬靈川

西屬縣並路通興安及湖廣城步綏寧地方廣遠獠苗狔  
獠雜居二十餘村康熙五十六年有靈川獠賊廖三竄據  
爲害巡撫陳元龍發兵討平之設立堡目堡卒分守桑江  
皮水石門諸要隘透江堡縣西南十五里明嘉靖間勦定  
首賊黃明相立堡召狼兵守望明尹圭義寧縣透江堡碑  
義寧去郡治西北八十里  
有寨名透江去邑治西南十五里爲古田磁峒西融始龍  
桑江懷遠大羅諸賊出沒咽喉實義寧永福靈川興安要  
害之地環處其外爲西嶺塘勒安鑑諸村村民往嘗招獠  
分田錯處以爲衛旣而獠種日繁獷悍不制導賊擄掠爲  
之轉贖以要重利或陰構黨孽焚蕩村墟民苦荼毒歲益  
不支有惡賊黃明相亦先年招來者生息引集族眾近百

分處平田江門磁峒胡山諸寨民皆側目以視每夏秋天  
早明相則阻水灌田西嶺塘勒之田坐待其槁民有畏害  
棄產去者明相據爲已有重遷之民因有司坐視其斃亦  
習爲負固藉口獠侵盡其里不復有公租之入而邊山諸  
獠聯絡百十餘家陽順陰逆視明相以作惡者亦不可指  
數嘉靖丙午春侍御徐公奉命入境惓惓以弭盜安民爲  
務西嶺諸村有以明相赴愬者公留而徐察之是歲秋明  
相讎里民李瓊久之猜已執縛支裂殘忍莫狀鄉民憤惋  
擁瓊九之族李松常等復號訴於公公勃然曰噫惡至此  
極矣天討有罪是烏可逭於是謀諸分守大參陳公茂義  
分巡督學魏公一恭協心贊成乃與副總兵程公鑒熟籌  
其可命指揮王國賢門崇文霍承祖等領兵勦之指授方  
畧整兵疾行值天大雨賊不爲備一舉而殲之渠魁授首  
黨眾剪滅幾無熊類殆天厭明相之惡假公神武而降之  
罰人力不至於此也明日鄉民欣躍如獲更生公曰透江  
據諸寨咽喉爲獠賊出没要地不立堡以守之安知不有

漏殄殘寇復結諸獍爲患如明相者耶於是命主會同王國賢等卜地據險剏堡以爲戍守之計命千戶靳邦儀董治匠役庀材鳩工不閱月而工告成形勝壯偉屹然爲一方巨鎮撥狼兵二百兼軍守之以明相遺田贍戍兵餘田留給就招殘徒於是民得安居無恐而磁峒西融始龍桑江諸賊有以控制其咽喉不敢橫行如前使繼之者得其人鎮壓警勵不少懈怠如公在時則義寧以西寧復有夷獍之憂耶其保障之功大矣時署義寧事藩司都事劉潤欲刻石垂遠而以文請於公公命圭記其始末

桑江口縣

西北三十里

嶺外代答環羈縻溪峒置寨以臨之皆吾民也謂之寨丁靜江府有桑江寨融州有融州

寨武陽寨與潯江文村茶溪臨溪四堡宣州有高峯寨帶溪寨北遐寨思立寨鎮寧寨邕州有橫山寨温潤寨太平寨永平寨古萬寨遷隆鎮欽州有如昔寨抵棹寨瓊州有寶西寨西峯寨延德寨萬安軍有萬全寨吉陽軍有通遠

寨凡諸寨之戍或用官軍或峒丁或寨丁寨官或巡防使  
 臣或都監或諸寨或一寨有長貳官屬是皆係平寨之大  
 小也諸寨行事動關化外法制不得不少寬威權不得不  
 稍重夫諸寨迥居於諸峒之中寨丁更戍不下百人彼寨  
 之境山谷阻深異材生之今邊  
 境晏然亦未免有採山之役  
 向設桑江司巡檢乾隆六

年改駐龍勝

兩廣總督馬爾泰疏畧桑江與楚省城步縣  
 之橫嶺等峒暨綏寧縣之界溪等一帶苗寨

毗連山高箐密不一其名而藍山大箐迴環三百餘里尤  
 為幽險苗眾盤踞性情獷悍又有徭民一種與漢民錯居  
 倚楚苗為黨羽恃其地險表裏為奸向設巡檢一員不過  
 聊示羈縻尙未設有營汛是以苗匪公然造逆潛構異圖  
 今克頑首惡盡絕根株應預籌經  
 久設汛安營移駐文員以收實效  
 廣南司巡檢在龍勝西

六十里與湖南城步縣橫嶺司接界義寧縣西去小路由



縣城三十里至桑江口又一百八十里至石門隘接柳州  
府懷遠縣界北去小路由縣城進桑江口二百三十里至  
橫水隘接湖廣城步縣界西北小路由縣城進桑江口二  
百五十里至界牌隘接湖南綏寧縣界廳境東皆崇山不  
通道路南五十里至丁嶺塘接義寧縣界西一百里至石  
門隘接懷遠縣界北九十里至橫水隘接湖南城步縣界  
廳城在省西北陸路二百四十里東南至義寧縣城陸路  
一百八十里東北至興安縣城陸路二百四十里西至懷

遠縣城水路二百六十里至義寧縣廣南司陸路水路均  
六十里北至湖南城步縣陸路一百八十里廣南司巡檢  
駐劄義寧縣西北陸路二百一十里東至龍勝廳城六十  
里西至懷遠縣水路二百里北至湖南城步縣橫嶺司陸  
路二百里

田賦○一報部官田

上則田八百二十七畝四分四厘四毫每畝收租穀九斗  
共收租穀七百四十四石六斗九升九合六勺

中則田一千零七十八畝八分四厘二毫每畝收租穀八斗一升共收租穀八百七十三石八斗六升二合零二抄下則田四百九十三畝七分一厘四毫每畝收租穀七斗二升共收租穀三百五十五石四斗七升四合零八抄畸零瘠薄下則田七百零三畝一分四厘零一絲每畝收租穀六斗共收租穀四百二十一石八斗八升四合六抄額徵大羅等寨折色米壹石四斗零一合

以上共計官田三千一百零三畝一分四厘零一絲共該

租穀二千三百九十五石九斗一升九合七勺六抄每年  
按照收成分數徵收造報內奉文將收租穀三十二石五  
斗每石變價銀四錢共變銀十三兩移義寧縣彙解苗糧  
額徵丁折銀八十三兩一錢一分移交義寧縣彙解地丁  
未報部存公畸零瘠薄下則田九百九十七畝八分二厘  
五毫內九畝六分收租穀七斗二升餘俱每畝收租穀六  
斗共收租穀五百九十九石八斗四升七合每年係按照  
收成分數徵收內除正項役食米不敷支給將存公補支

外餘穀每石變銀四錢五分將穀價除解督憲書吏廩貢銀十兩又帮邑湯厰費銀三十兩外其餘留爲地方祭祀修理道路橋樑並補支舖司渡夫額設工食不敷年底造冊報銷

每年徵收役食官租米一百七十五石七斗九升零係按照收成分數徵收支給各役月米不敷外在於未報部存公官租穀內補給

龍勝義寧協營向設兵丁八百四十九名奉裁八名實存

兵八百四十一名內六十四名由義寧縣徵放其餘兵丁所需月米每年除撥官租外餘在柳州府大軍倉及融縣馬平縣象州柳城縣撥解收存瓢里倉轉運各汛支放每石每里給旱腳銀二厘係各州縣隨米批解

戶口○戶八千三百九十一

廳冊

城池○龍勝石城乾隆六年通判楊維清建司冊周四里有奇

高一丈東西南北四門廣南司石城乾隆六年築周二里餘高八尺門四

萬壽宮乾隆六年通判楊維清建現已地廢

職官○文職○乾隆六年沈通寶漢軍正白旗人楊維清桂林

龍勝通判十三年文德滿洲鑲白旗人官十四年郭賡武桂林

龍勝通判十六年張春芳浙江歸安人監十七年周宗祐福建寧化

人監生桂林汪坦桂林龍二十年莊基永江蘇震澤人附貢桂林通

判二十三年賈紹彭直隸故城人貢金岳桂林龍二十

七年李峻極河南西華人監三十年李宏勳江蘇上元人

判袁紫璧桂林龍三十三年王步曾江蘇華亭人監三十

五年何

价

浙江山陰人監生

三十九年孝順阿

滿洲正黃旗人

生員桂林通判

四十年興聖訓

桂林龍勝通判

四十二年歐陽鎰

江西萍鄉人監

生桂林通判

四十三年陸受豐

江蘇太倉人監生桂林通判

四十四年玉

滿洲鑲黃旗人副榜桂林通判

四十五年李

焜

廣東長樂人貢生桂林通判

劉宏

江蘇吳縣人監生桂林龍勝通判

四十八年李

壘

桂林龍勝通判

五十一年

桂林龍勝通判

五十五年呂士鈐

思恩通判調桂林龍勝通判

五十九

年玉

桂林龍勝通判

嘉慶三年朱宗枋

桂林龍勝通判

十三年胡起

鳳三年前查省志載入不備者從畧

十八年李琴川

安徽建平人監生



十年存 榮二十一年魏 均二十四年觀 德道光二

年倪思蓮 雲南建水人由翰林院庶吉士散館以知縣升補 五年汪金芝 江蘇儀徵人監

生 七年李承勳 江西南昌人監生 八年張顯相 河南武陟人由舉人大挑知縣署事

十年耿省修 江蘇華亭人貢生 十一年許保琨 四川成都人由世襲三等壯烈伯爵

正一品廕生選授同知署事 十三年徐士珩 雲南寧州府人由拔貢知縣署事 十六年

王龍安 廣東東莞人貢生 十八年吳家懋 廣東番禺人翰林院庶吉士以知縣調署 十

九年蕭 煊 福建邵武人由舉人大挑知縣署事 祁 塏 山西高平人由翰林院庶吉士以知

縣調署 二十年余應松 浙江山陰人監生以從九品署事 二十一年陸恩燾

浙江蕭山人監生 二十二年梁鳳綸 順天宛平人祖籍廣東嘉二

十三年金熾福 浙江錢塘人由翰林院庶 二十四年愷

榕 鑲紅旗蒙 古監生 二十五年夏允頤 江西新建人大挑知縣署

周誠之 江西湖口人甘肅隴西籍道光庚子 二十六年周

克錦 江蘇吳江人順天宛 平籍監生候補通判

龍勝廣南二巡檢無憑查開

武職○康熙十八年黃 龍 福建永春人 二十二年盧玉

祥 浙江東陽人 四十年王國用 湖廣通山人 五十四年藺

桂林協副將 桂林協副將 桂林協副將

佳進鑲黃旗漢軍監生桂林協副將五十五年劉世英由提標中軍參將遷桂林協副將

五十九年龔治邦湖廣人桂林協副將雍正元年高世定江南人武進士桂林

協副將三年馬召南陝西靈州人武探花桂林協副將六年董芳陝西咸寧人桂林

林協副將以上因係設協之原故從省志查錄乾隆七年楊

剛由融懷營參將遷義寧協副將八年陞左江鎮總兵九年魏文舉義寧協副將十一年陞右江鎮

總兵十二年南天章山東惠民人義寧協副將十五年王運洪陝西寧朔人義寧協

副將二十二年郭金章義寧協副將二十四年胡其貴湖北江夏人義寧協

副將二十七年蘇學讓義寧協副將三十一年陞右江鎮總兵三十一年唐朝起

義寧協 三十二年段飛龍 義寧協副將 三十五年李璋 義寧協副將

將三十六年陞 三十六年敖成 義寧協副將 三十九年于卽

右江鎮總兵 越 義寧協副將 四十一年余德勝 正紅旗漢軍武進士 義寧協副將 四十二年

永海 義寧協副將 四十六年陞右江鎮總兵 四十七年景亮 義寧協副將 五

十四年常福 義寧協副將 五十七年陞右江鎮總兵 五十八年莫淇 由

標中營叅將遷 義寧協副將 嘉慶四年六十一 義寧協副將

嘉慶四年以後副將及都守以下各弁無憑查載

龍勝通判額俸銀六十兩養廉銀六百兩鹽規養廉銀一

百兩義寧協副將俸銀五十三兩四錢五分八厘薪銀一  
百四十四兩心紅銀一百八兩蔬炭銀七十二兩養廉銀  
八百兩歲撥賞卹紅白事銀三百二十四兩公費銀三百  
八十一兩四錢九分八厘通判衙門額設門子二名步快  
八名皂隸十二名民壯二十六名轎傘扇夫七名每名每  
月給工食銀五錢又每名每月支飯食米二斗二升五合  
斗級四名每名每月給工食銀五錢又兼吹手每名每月  
給工食銀一兩一錢飯食米二斗六升柴菜錢一百三十

文禁卒八名每名每月給工食銀五錢飯食米二斗二升  
五合柴菜錢一百三十文所有役食銀均由義寧縣批解  
龍勝廳兩堡堡目二名堡卒八十三名堡田八百八十二  
畝民壯二十六名習鳥鎗九名餘習挑刀藤牌舖兵十名  
歲支工食銀九十六兩每年領司庫銀五十兩及本廳存  
公租穀銀內開支哨船二隻五年拆造每隻銀三兩五錢  
四分一厘渡船五隻歲修銀六兩渡夫十名歲支銀十八  
兩遇閏加一兩五錢在司庫耗羨銀內支給

龍勝  
廣南

司巡檢

衙門額設皂隸馬夫共五名歲支工食銀三十兩弓兵二十四名歲支工食銀八十一兩二錢七分二厘均由義寧縣支領龍勝通判巡檢皆以烟瘴最惡定為三年俸滿撤回內地候陞廣南巡檢以苗疆定為五年俸滿在任候陞

兵制○義寧協左營原額弁兵五百名

外委千把總六員馬兵十四名步兵一百

四十名守兵

見額弁兵四百七十九名

外委千把總六員馬兵十四名步兵

一百二十名守兵

義寧協右營原額弁兵五百名

外委千把總六

員馬兵十四名步兵一百

見額弁兵四百七十八名

外委千把

總六員馬兵十四各步兵一百一十九名守兵三百三十九名義寧協左營駐龍勝城在

桂林府西北二百四十里東一百四十五里至貝子汎皮

水隘與湖南城步縣紅沙洲汎界西五十里至大架塘與

右營瓢里汎界南一百八十里至義寧汎石門塘與臨桂

縣黃塘舖界北九十里至芙蓉汎羊灣塘與右營獨車汎

荒田頭塘界本營駐防兵二百五十七名撥防六塘兵十

二名分防四汎外委三員兵二百十九名底塘兵二名西至

都乃塘十五里南至拐江塘西至大架大  
十五里北至里五塘十五里都乃塘兵二名塘十五里



架塘兵二名

西至右營瓢里  
汎底塘二十里

拐江塘兵二名

南至官衙  
塘十五里官

衙塘兵二名

南至義寧汎  
丁嶺塘二十里

里五塘兵二名

北至龍甸汎  
沂潭塘十五

里義寧汎分防義寧縣城在本營西南一百八十里把總

一員外委一員分防兵五十一名撥防各塘兵十八名風

山塘兵二名

北至中間嶺塘二十  
里東至洩崗塘十里

中間嶺塘兵二名

北至  
閃嶺

塘二閃嶺塘兵二名

北至牛江塘二十里  
東至樵嶺塘三十里

洩崗塘兵二名

北至中間嶺塘七里  
東至靈川縣界十里

牛江塘兵二名

北至丁嶺  
塘二十里

樵嶺塘兵

二名

東至靈川  
界十里

石門塘兵二名

東至桂林營黃  
塘舖二十里

鷺橋塘兵

二名東至桂林營丁嶺塘兵二名北至本營官衙塘二十里芙蓉汎在

本營東北九十里千總一員外委一員分防兵七十名撥

防各塘兵十四名芙蓉底塘兵二名北至橫水隘五里與湖南武岡營蜡里汎

界西至布隴塘十五里南至張家布隴塘兵二名西至羊灣塘十

五羊灣塘兵二名東至右營獨車汎荒田頭塘二十五里張家塘兵二名南至

龍甸汎馬蹄里市塘兵二名東至黃祥塘十五里黃祥塘兵二名東至

煖水塘十五里煖水塘兵二名東至貝子汎地靈頭塘二十里龍甸汎在本營東

北四十五里把總一員分防兵二十八名撥防各塘兵八

名龍甸底塘兵二名西南至沂潭塘十五里北至馬蹄塘十五里又北至活雀塘二十五里

沂潭塘兵二名南至本營里五塘十五里馬蹄塘兵二名北至芙蓉汛張家塘十五

里活雀塘兵二名北至貝子汛江底塘二十五里貝子汛在本營東北一

百四十五里外委一員分防兵十二名撥防各塘兵六名

貝子底塘兵二名西至地靈頭塘十里南至江底塘十里東至皮水隘五里與湖南武岡營紅沙

洲汛界又與興安縣界地靈頭塘兵二名南至芙蓉汛煖水塘十里江底塘兵二

名東至全州營泮水汛二十里義寧協右營駐廣南城在龍勝城西北

一百十里東七十里至獨車汛荒田頭塘與左營芙蓉汛

羊灣塘界西六十三里至瓢里汎與左營大架塘界南六

十三里至瓢里汎思隴塘與懷遠縣界北九十五里至小

江汎武川隘與湖南城步縣長安營界本營駐防兵二百

五十名撥防二塘兵四名分防四汎外委三員兵二百二

十一名庖田塘兵二名

南至石村汎  
獨境塘十里

廣南塘兵二名

北至  
獨車

汎平鄧  
塘十里獨車汎在本營西北四十里千總一員外委一員

分防兵六十五名撥防各塘兵十四名獨車底塘兵二名

南至龍平塘十五里  
東至橫床塘十五里

龍平塘兵二名

南至平鄧塘十里  
東至都鰲塘十里

平

鄧塘兵二名南至本營廣都鰲塘兵二名東至隴團隴團

塘兵二名東至荒田頭塘十五里北荒田頭塘兵二名東

左營芙蓉汎羊灣塘二十五里橫床塘兵二名北至小江汎小江汎在木

營東北七十五里干總一員外委一員分防兵三十六名

撥防各塘兵八名小江底塘兵二名北至平定塘十里平

定塘兵二名西至武川隘十里牛流塘兵二名南至陳田

陳田塘兵二名南至獨車汎隴石村汎在本營南三十三

里把總一員分防兵六十八名撥防各塘兵六名石村底

塘兵二名 南至孟塘十里北獨境塘十五里 獨境塘兵二名 北至本營庖田塘十五里

孟塘兵二名 南至瓢里汛底塘十里 瓢里汛在本營西南六十三里

外委一員分防兵十八名撥防各塘兵六名瓢里底塘兵

二名 西至百福塘十五里東至左營大架 百福塘兵二名

西至思隴塘十五里 思隴塘兵二名 西至懷遠縣界十五里

廨署○理苗通判署在龍勝城龍勝司巡檢署在龍勝城廣

南司巡檢署在廣南城南瓢里均乾隆六年建義寧協副

將署在龍勝城左營都司署在龍勝城千把署四所在龍

勝城右營守備署在廣南城千把署二所在廣南城桑江  
口巡檢廢署距義寧縣四十里龍甸石村獨車小江各汛  
均有把總署芙蓉汛有千總署中崗周水白坭囊溪大坪  
里木江口崗頭冲崗張家佈隴各寨及白竹坪白竹包石  
村汛張家老寨曾家界廣南汛獨車汛小江汛芙蓉汛瓢  
里汛均有社倉間數不等

祠宇○龍神廟 火神廟 城隍廟 武聖宮 龍王廟

三界廟

祀明貴縣人馮克利

華王殿

祀三國華陀

劉猛

將軍殿

文昌閣

倪公祠

卽五忠祠

倪國正四川成都人義寧知縣乾隆五年夏桑江苗吳金銀爲亂國正與臨桂丞吳嗣昌盧田巡檢魯器下雷吏目魯懋永寧營千總潘貴入其巢撫諭之金銀殺嗣昌等而閉國正於土室絕食六日招之降不從縛至烈日中掘地深二尺許置國正於坎沒其身之半日不降則土掩爾頂矣國正怒罵不少屈乃斷其舌捶楚交下遂死時六月初七日也未幾



王師平桑江金銀伏誅得國正等死事狀

贈國正按察司僉事嗣昌正紅旗漢軍

贈衛經歷器會稽人

贈主簿懋山陰人

贈府知事貴永寧人

蔭把總建祠祀之額曰五忠

節孝石坊一所

道光二十一年十二月奉

旨旌表原任義寧協小江汛把總陽炳榮之女陣亡

兵丁胡俊  
金之妻

學制○龍勝廳學二名由義寧縣考送過府

嘉慶三年戶部議准兩廣總督

吉慶奏設苗民學額

氣候○四時氣候冷熱不常自春徂夏陰雨連旬秋常亢旱

秋後四十日暑熱尤酷冬多苦雨時或雨雪亦不甚寒

義寧

縣志龍勝春多苦雨夏多亢旱秋則冷熱不常冬多雨雪甚

至有冰不耐烟瘴者往往致疾是以戶口稀少

風俗○獠人椎髻跣足衣斑布褐采竹木為屋繩樞草竇覆

以菁茅種植外獵山獸續食負戴者悉著背上繩繫於額

履險如飛兒能行燒鐵烙其跟蹠使頑木故能履棘茨根  
枿而不傷兒始生稱之以鐵如其重漬毒水中及長煨鐵  
製刀試刀必刃牛項下以肩負刀一負卽殊者良刀也弩  
名偏架以一足蹶張背手傳矢往往命中鎗名掉鎗長二  
丈尤以弩爲長技戰則執鎗人前卻不常以衛弩執弩人  
口銜刀手射或冒刃逼之釋弩取口中刀奮擊退去必有  
伏弩歲首祭先雜揉魚肉酒飯於木槽扣槽羣號爲禮十  
月朔男女成列連袂相舞祭都貝大王謂之踏狯樂有鏡

鼓胡盧笙竹笛眾音競作擊竹笛為節徭之屬桂林者興

安靈川臨桂義寧古田

即今永寧州

等邑山田無幾天少雨稔

種不收無所食則踉蹌篁竹飄忽往來州縣覺知則已趨

入巢穴官軍不可入但分屯路口徭本五谿槃瓠之後其

壤接廣右者靜江之興安義寧古田融州之融水懷遠縣

界皆有之生深山重溪中椎髻跣足不供徭役

虞衡志

徭人

者言其執徭役於中國也靜江府五縣與徭人接境曰興

安靈川臨桂義寧古田徭人聚落不一最強者曰羅曼徭

人麻園獠人其餘曰黃沙曰甲石曰嶺屯曰襄江曰贈腳  
曰黃村曰赤水曰藍思曰巾江曰竦江曰定花曰冷石坑  
曰白面曰黃意曰大利曰小平曰灘頭曰丹江曰糜江曰  
閃江曰把界山谷彌遠獠人彌多盡隸於義寧縣桑江寨  
獠人椎髻臨額跣足帶械或袒裸或鷄結或斑布袍褲或  
白布巾其酋則青巾紫袍婦人上衫下裙斑斕勃窣惟其  
上衣斑文極細俗所尙也地皆高山而所產乃輜重欲運  
致之不可肩荷則爲大囊貯物以皮爲大帶挽之於額而

負之於背雖大木石亦負於背耕山爲生以粟豆芋魁充糧其稻田無幾年豐則安居巢穴一或饑饉則四出擾攘土產杉板滑石蜜蠟零陵香燕脂木靜江五縣沿邊唯與安義寧縣官任滿有邊賞獠人之樂有蘆沙銳鼓胡盧笙竹笛蘆沙之制狀如古簫編竹爲之縱一橫八以一吹八呶嘍其聲銳鼓乃長大腰鼓也長六尺以燕脂木爲腔熊皮爲面鼓不響以泥水塗面卽復響矣胡盧笙攢竹於瓢吹之鳴鳴然笛韻如常笛差短大合樂之時眾聲雜作多

擊竹筩以相圍樂跳躍以相之獠人無文字其要約以木  
契合二板而刻之人執其一若投牒於州縣亦用木契余  
嘗攝靜江府靈川縣有獠人私爭赴縣投木契乃一片板  
長尺餘左邊刻一大痕及數十小痕於其下又刻一大痕  
於其上而於右邊刻一大痕牽一線道合於左大痕又於  
正面刻爲箭形及以火燒爲痕而鑽板爲十餘小竅各穿  
以短稻穰而對結縐焉殊不曉所謂譯者曰左下一大痕  
及數十小痕指所謂讎人將帶數十人以攻我也左上一

大痕詞主也右一大痕縣官也牽一線道者詞主投縣官也箭形者仇人以箭射我也火燒爲痕乞官司火急施行也板十餘竅而穿草結縐欲仇人以牛十餘頭償我也結縐以喻牛角云史有款塞之語亦曰納款讀者畧之蓋未覩其事爾款者誓也今人謂中心之事爲款獄事以情實爲款蠻夷效順以其中心情實發其誓詞故曰款也乾道丁亥靜江徭人犯邊范石湖檄余白事帥府與聞團結邊民之事徭人計窮出而歸命乃詣帥府納款其詞曰某等



既充山職今當鈐束男姪男行把棒女行把麻任從出入  
不得生事若生事者上有太陽下有地宿其翻背者生男  
成驢生女成豬舉家絕滅不得翻面說好背面說惡不得  
偷寒送暖上山同路下水同船男兒帶刀同一邊一點一  
齊同殺盜賊不用此款並依山例山例者殺之也他語甚  
鄙不可記憶聊記其謂款者如此獠人每歲十月旦舉尙  
祭都貝大王於其廟前會男女之無室家者男女各羣連  
袂而舞謂之踏搖男女意相得則男呶嚶奮躍入女羣中

負所愛而歸於是夫婦定矣各自配合不由父母其無配者姑俟來年女三年無夫負去則父母或殺之以爲世所

棄也

嶺外代答

西南諸夷種類既繁習俗各別在廣右者曰獠

曰獠曰狔曰狨曰狨曰狨曰狨與狨同狨狨稍寡俗惟獠最陋獠自謂槃瓠所生男則長髻插梳兩耳穿孔富者貫以金銀大環貧者以雞鷲毛雜綿絮繩貫之衣僅齊腰袖極短年十八已上謂之裸漢用猪糞燒灰洗其髮尾令紅垂于髻端插雉尾以示勇善吹蘆笙聲如鐘大者二人

抬一人吹田事畢則十餘人爲羣越村偕其村之幼婦偶  
歌謂之博親雙三旬已上則否女則用五綵繒帛綴於兩  
袖前襟至腰後幅垂至膝下名狗尾衫示不忘祖也汲水  
負薪男以肩女以藤繩繫於首垂於背以行謂男首出槃  
瓠犬頭也女肩出於高辛公主金肩也故以輕重別亦造  
金銀首飾如火筋橫於髻謂火筴釵有裙有褲裙最短露  
膝婚姻必姊妹之女謂之還頭兄死弟妻其嫂弟死兄亦  
如之新娶入門不卽合其妻有數鄰女相隨夫亦挽數男

相隨答歌通宵至晚而散返父母家遇正月日三月三八  
月半出與人歌私通及有娠乃歸夫家以後再不如作女  
子時歌唱也葬不用浮屠宰牲飲酒而已居室不喜平地  
惟利高山男女終身不卧床亦不知製被惟於室內造一  
火爐四圍鋪板中爲炊爨其夏夜燒藁草以燎蚊男婦長  
幼俱集其上新客對卧亦不避嫌也食以糯米炊飯用木  
盤盛之長幼相聚浣手以搏不用筯碗凡待客以盤盛全  
牲主人用大剪剪細選美者數臠奉客餘分嘗之病不服

藥惟用雞卜宰猪羊牛馬救病鳴土鼓祀神酒用香茅和

米造之不愈則傾家焉

王土性桂  
海志續

猺人古八蠻之種也五

溪以南窮極嶺海迤邐巴蜀皆有之椎髻斑衣婦人黥面  
爲花卉蜻蜓蝴蝶之狀山中多杉板藥物四方亡命若避  
徭賦者此焉遁藪淆雜夷中爲之嚮道分受擄獲結黨旣  
多則墮城堡刼官寺故廣之東西歲苦兵事諺云比年小  
征三年大征史氏槃瓠之說雖恍惚難稽然猺人多槃姓  
者或訛而爲盤云

炎徼  
紀聞

猺人社日以南天燭染飯競相遺

送名曰青精飯杜詩豈無青精飯令我顏色好蒟醬猺崗  
中家家有之以萆麥爲主雜以香草味雖佳不足爲異耳  
史記唐蒙風曉南越蒙食蒟醬問所從來道西北牂牁故  
蜀都賦云蒟醬流味於番禺之鄉今問之番禺無有知者  
惟出自牂牁故云流味也萆麥吾家蛤蕪也師古注本草  
注楊用修張孟奇辨之皆誤赤雅猺人樂有銳鼓狀如腰鼓  
腔長倍之上銳下侈亦以皮鞞植於地坐而拊焉猺以硬  
木爲弓椿甚短似中國獵人射生弩而差大取蛇毒草合

藥濡箭鋒中者立死又一種名偏架弩無箭槽偏架而射也獠人皆高辛狗王之後時節祀之劉禹錫詩時節祀槃瓠是也其樂五合其旗五方其衣五彩是謂五參奏樂則男左女右祭畢合樂男女跳躍擊雲陽爲節以定婚媾側具大木槽扣槽羣號先獻人頭一枚云吳將軍首級余觀時以枕椰麪爲之時無罪人故耳設首時羣樂畢作然後用熊羆虎豹呦鹿飛鳥溪毛各爲九壇分爲七獻七九六十三取斗數也七獻旣陳焚燎節樂擇其女之姱麗嫻巧

者勸客極其纏繆而後已

粵西叢載

獠人風俗最尙踏歌濃粧

綺服越阡度陌男女雜遯深林叢竹間一唱百和雲爲之不流名曰會閩自稽事畢至明春之花朝皆會閩之期也餘節亦閒舉唯元宵與中秋夕爲盛有民歌有獠歌俱七言頗相類其不同者民歌有韻獠歌不用韻民歌體絕句獠歌或三句至十餘句民歌意多雙關獠歌專重比與其布格命意有出於民歌之外者雖文人捉筆不能過也獠人生於深山窮谷異言殊服其歌字皆土音韻則天籟譯



而通其意殆亦工於爲詞者

粵西偶記

生獠不與民通熟獠或

通婚姻又有白獠黑獠大良獠大良有戶口版籍其俗敦厚人不問識否至其家輒具牲醴大嚼劇飲後爲見侵於獠散居村落以耕樵爲食義寧獠有三一曰盤古獠衣褲皆青布繫腰以花巾包頭以花錦能漢語葬用火化伐木耕山土薄則去故又名過山獠一曰平地獠服飾與盤古同斂葬以棺一曰狗獠衣帶皆錦耳挂銀環頂前作髻女未嫁者髮結雙辮懷遠獠有二種居上下隴耕田納賦謂

之住獠種山而食去來無常謂之流獠融縣獠居背江村  
各成村落有紅黑白三種自謂諸葛武侯征孟獲流入背

江居者

俱見各志

獠

本作撞

俗男女服色尙青蠟點花斑式頗華但領袖用五

色絨線繡花於上居屋無間貧富俱喜架樓名之曰欄上  
人下畜不嫌臭穢娶婦回父母家與獠同惟耕作收穫四  
時節令方至夫家至不與言語不與同宿寄宿於鄰家之  
婦女一二年間夫治欄成與人私通有孕方歸住欄大都

夷人首子皆他人所生故夷無無子者其種類不絕以是也葬亦如猺不治衣衾狔狔俗類同狝狝類稍寡獯性稍馴易制服緣近民爲城中人佃丁也猺性最惡難馴狼則土府州縣百姓皆狼民衣冠飲食言語頗與華同

王土性桂海志

續

蠱毒民間無有惟獯婦蓄之相傳以五月五日往山澗中用新布衣及首飾銀簪等物鋪地上盛盆水於其旁婦女裸體歌舞以降藥王俟虺蜴毒蟲來浴盆內遂傾水於陰溼地生菌蕈取研爲末納鷲毛管中插貫髮內溫養生

細蟲統統如蠶初出則蠱成矣常置廚竈溼煖處藏之蠱  
初成者尙未有毒緣其初婦有所私與夫不睦乃從蓄蠱  
婦教之置飲食中餌其夫與所私日後自然和合謂之和  
合藥亦名粘食藥日久此藥漸毒遇藥發時遍身搔癢必  
欲毒人而後已或無外至者卽夫與子亦必施焉但另與  
解藥宣泄之不至爲害且混傳蓄蠱者身後卽得爲藥王  
毒死之魂卽爲從役故愚獐多蓄此物嶺南雜記獐人好殺一  
語不相能輒挺刃而鬪鬪或傷其一由此世世爲讎然傷

男子讎只一姓若傷其婦而婦之父母伯叔兄弟皆怨家  
矣借人助殺謂之洗面人與其婦通以牛酒謝罪謂之洗  
粧獐女與山子同類垂手善舞蹋歌短裙及膝坐則雙膝  
齊跳執禮甚恭有盤古風劉禹錫詩蠻女鈎軻音蠻衣斑  
爛布獐人善雞卜其法有十八變直而正近骨吉曲而斜  
遠骨凶卵卜者獐人卜葬請雞匠祝神以卵投地不破者  
如獲滕公之碑赤雅獐種與猯異類而跳梁桀鷲之性一也  
花衣短裙鳥言獸行產自湖南溪崗先入廣西蔓延至廣

東初亦聽役輸租與獠為讎有司田主頗藉以捍獠及後

勢眾與獠人無二其人不薙髮俱黑色廣西最多負藥草

出市男女衣製如一不可別喜食蟲如蚯蚓蜈蚣螞蟻蝴蝶

蝶之類見即啖之嶺南雜記獠雜處谿谿尚頑冥不馴其隸版籍

輸賦為熟獠否則生獠好殺無禮元夕祭槃瓠十月朔祭

都貝大王每祭必合藥雜進盧沙銳鼓胡盧竹笛令男負

女去沓淫以為樂或有剩女必殺之謂為人所棄也毛奇齡蠻

志司合 獠人失牛追躡牛跡所至遇村落即責村之甲老曰

牛至爾村請爲代緝甲老更躡牛跡又至一村責亦如之迭更數村而牛跡漫滅不可尋則曰匿此所矣返報失牛

之家糾眾往而大譟必令最後所至之村倍償乃已

粵西叢載

獐自元至元間方入省地近日編於版圖者謂之熟獐性畧馴其遠者謂之生獐梗化不可制謂天爲溫父曰扶牛曰懷魯巴飯曰豪食曰良亦有同中國者謂酒曰醪鹽曰鹵

粵西叢載

獐與猯雜處風俗略同而生理一切簡陋冬編鷺

毛雜木葉爲衣搏飯掬水而食居室茹葺而不塗銜板爲

閣上以棲止下畜牛羊猪犬謂之麻欄子大取婦別欄另  
爨取之日妻卽還父母家與隣女作處數年間與人野合  
有娠乃密告其夫作欄又數年延師巫結花樓謂祀聖母  
親族少男少婦數十百人歌飲叫號劇戲三四日夜乃畢  
謂之作星少婦於春時三五爲伴采芳拾翠於山椒水湄  
歌唱爲樂少男亦三五爲羣歌以赴之一唱一和竟日乃  
已以衣帶相贈答善爲毒矢爲蠱毒織芥之仇雖屢世必  
復其鬪或誤殺人者以牛爲償或數十頭至百頭名曰人



頭錢流劫則糾黨麋起亦有渠長人先給銀三錢贍其家  
日鎗頭錢在山三五爲羣要人於路謂之截路繫船取貨  
羈以求贖謂之勾船或攻村落民棄田廬卽其村據之謂  
之打地性耐饑日啖鹽數顆食草木師與則遠遁絕嶠莫  
可誰何亦有生獠與生猺相類李獠以元至元間來自湖  
北或曰非也荆蠻故無猺獠者猺也粵右土著先時就  
撫籍其戶口以充徭役故曰猺獠者撞也粵之頑民性喜  
攻擊撞突故曰獠獠人易馴獠人難治獠俗與猺畧同而

性特剽悍，懸結貫耳。富者男女皆以銀作大圈，加頸。男衣短窄裂布束脛，出入常佩刀。女衣不掩膝，長裙細褶，或藍或紅，或花，更有穿夾裙者，厚三四層，重五六斤，綴五色絨於襟袂裙幅間。善汲水，手攝裙幅視水淺深，以次收展。男女齒等，以衣帶相贈遺，謂之結。同年既嫁，則不復相聞。葺茅作屋，衡板爲樓，上以栖止，下頓牛畜，謂之麻欄。席地而炊，搏飯掬水，盛夏露處，冬則圍爐。達旦無床衾，宴客以肉盛木具，或竹箕，均人數而分置之。罷則各攜所餘去，分肉。

或不均銜之終身有所要約必以酒肉或殺一狗得肉少  
許酒半酣雖行劫鬪狼無不願往也劫物不論多寡做衣  
釜甑之屬罄捲而逃官司覺治莫知其亡處先出重金購  
之名曰買線戚屬利得金輒以所匿告往而成禽又好掠  
縛人入山谷中剡大木中鑿爲竅納一足械之索貲以贖  
伏草射人攻剽村落爲患於民自昔爲甚金義寧治西北志  
境上中下三寨皆獐所居山田瘠墉歲不再熟一歲所收  
窘而貯之計口授食或飯客則已忍饑然能畜藏凶年不

出為患又有獯里本柳州獯人元時應募墾田善勁弩藥  
矢分守要隘納賦復其差故別置獯里以其俗亦類獯云

同懷遠獯男女皆斑衣長僅至臍裙不過膝好樓居甌爨

俱在樓上北果等村皆是縣融有獯村與獯村分地而居

或彼此相錯習俗大畧相似縣

永福獯人來自義寧縣其俗與良獯同而語言各別婦無

髮髻以布纏箬作鬢貼插椎髻之下俗呼為苦麻矜視諸

獯較馴有蒙姓者住板塘里蒙嶺村今絕村為獯據縣懷

遠永吉三崗等村皆狛人男女俱穿耳男首插白雉尾女額頂手以銀箍銀圈銀鐲爲飾裙以六幅青布爲之而不縫其長過足卽用爲脚纏不識文字或賣田地以木刻記之以手搏飯和以魚鮓爲上食以宴客殺牲用剪無刀砧

金志

狗亦獠類不喜殺善音樂彈胡琴吹六琯長歌閉目頓首搖足爲混沌舞獠之有狗猶獠之有大良也

赤雅狗人居谿

崗中又謂之崗人椎髻插雉尾卉衣其俗貴少賤老鬚白

悉拔去之春以巨木埋地作樓高數丈歌者夜則緣宿其

上謂之羅漢樓羅漢者惡少也

金志

懷遠狗與狔雜處其服

食習尙亦與狔同

同上

懷遠苗男女服以青布繡花極工巧俗謂花衣苗飲食與

狗狔同在大營尙梅寨十塘諸村

縣志

融縣苗青布纏頭耳

項各懸銀圈衣褲俱青色短小緊窄語言與猺同以糯米

作飯手團食之以芭蕉葉燒灰漬水令酸為肴性醇良畏

見官長

縣志

粵西山谷與險阻絕蠻類實繁合其類而十分之則獠居四獠居三狼居二餘僅得一焉其在唐虞謂之要服但與要約而已歷代以來率多梗化迨我

朝德威遠播薄海內外一道同風蒸蒸然丕變雖其居處服飾飲食男女之際與華俗不同而澹泊純樸之風亦於此見焉可約舉而記之也諸蠻皆耕田而食常以黏米作粥時時歆之取雜菜及牛羊皮骨久漚成醬以佐餐雖家畜雞豚而不輕食肉水田低則稱田旱田高則稱地田皆

種稻地種雜糧間有種旱禾雨水足卽豐收謂之靠天田  
禾有早晚隨月而名如六月禾八月禾也然歲止一熟非  
似粵東兩收水田之中多喜栽芋食芋可當飯也秋收後  
燒山以除百毒二月啟蟄焚草瀆灰以肥土然後種植耕  
用牛漑用車亦用屏男耘女耔無懶惰穀或剪或刈皆出  
女手製酒以米和草子釀之味極甘畏薺茗之苦渴惟飲  
水而已男女皆衣布色尙深藍間用青皂無裘葛其卧具  
尤草率遇暑熱則頻浴於溪冬寒則圍爐徹夜男子多薙



髮亦有髡其四圍者髮或辮或髻或插簪或插雉尾鬚或去或留耳或垂環項或鎖圈各隨其鄉之所尙頭以布裹或繡或素戴笠者居牛衣及腰而止稍長亦露膝禪自襜已下分裁布條斜裹至足亦有著禪而另束脛者腰繫巾好懸銅盒貯烟佩小刀極利謂之左插足跣偶著草鞋其有薙髮戴帽冬氈夏鬢寬袍大袖白行纏而履者惟全州西鄉徭有之而興安獯人亦有戴馬尾尖帽者蠻女髮密而黑好縮大髻多前向亦有橫如卷軸者有疊作三盤者

有雙髻者未嫁女也嫁則一髻上紮大梳或銀或木或牙  
花簪圍插多寡不同隨貧富也髻上或覆布或花巾或笠  
笠製極工常以皂布髯邊半露其面耳皆帶大環環下間  
垂小珥項帶銀圈胸或挂銀牌身著青布衣多緣繡亦止  
及腰內絡花兜做襟露胸以示麗亦有聚鶯毳爲毬綴衣  
以爲飾者禪短而裙長不禪者半焉裙色皆深青亦以繡  
緣襞積頗繁行則披左右於腰腰多束花巾懸荷包性亦  
喜吸烟每以烟筒插髻足跣與男子無異有喜慶間亦著

履非擔負而出則攜長柄傘花巾油扇步趨輕捷涉澗越  
嶺高深不怯其以白布蒙首腰繫大帶衣純束素不喜彩  
繡者狼女也衣綴羽下無裙而纏脛者矜女也惟獠之中  
獨有以裝飾之異而別其名者如耳垂聯環鬢挂礬珠髻  
裹蕉葉不裙不袴惟以布幅圍其前後前短後長坐地則  
兜之名曰平地獠髻挂銀絲直垂至項名狗鈴獠戴梳於  
頂狀如扇面名曰梳獠頂以木板板列礬珠纍若綴旒名  
頂板獠簪竹箭二根長二尺許覆以錦穿林入莽頻側其

首翩翩若蝶名曰箭桿獠以豪猪鬃爲簪加以竹片雙分  
鬢後剪剪若燕尾者名曰燕尾獠以木皮絆額繫筐偃僂  
而趨者過山獠亦名山子獠也又有以三角銀版綴以紅  
絨插於髻畔而腰結花綵者盤古獠也蓋諸蠻皆一名惟  
獠之名各異且有生熟黑白之分黑卽生白卽熟熟之性  
純於生也蠻多負山而居或圍竹爲村或依樹爲社結茅  
築垣架板成樓上棲人下畜獸狼人則不喜登樓耕種之  
暇男或采樵或攫獸或市馬或售錦易布或彈絮助紡或

執篙撐舟其浮家江濱而止以捕魚爲業者惟蟹人也女  
或紡織或裁縫或染布或汲水或挑菜或刷藥或負薪巧  
者或織絲成錦或擘絲繡巾或艷粧結伴跨馬踏春立春  
日男背文鼓唱四季太平歌往來慶賀迎春則有男扮春  
官女隨歌唱齊至公門鞭牛而去春秋社祭神於廟提筐  
挈筮陳設酒醴延巫師紅袍執笏若降神然社前卑幼徧  
拜尊長謂之探社倉箱旣慶則爭先納賦賦畢一家歡喜  
傾甕交勸酣飲竟日有相訟者集於社推老人上坐兩造

各剪草爲籌每講一事舉一籌籌多者勝蓋理誦則籌棄  
理直則籌存也是謂賽老亦曰論理論畢刻木記之終身  
不敢負男女昏姻亦憑媒妁至若倚歌擇配之俗雖邇來  
遵禁而谿崗之隩尙間有之當春日載陽男女互歌謂之  
浪花又謂之跳月男吹蘆笙女拋繡籠繡籠者絲毬也迴  
旋蹈舞歌意相浹卽投之報之返而約聘嫁之日前導擔  
榼新婦執彩旒傘步行親戚接踵鼓吹以送之此皆蠻俗  
之異於華者四體勤而百用儉樸實之風既有足取而愚

拙中亦生智巧固未得以要荒之陋鄙之而不以中國之  
治治之也若夫好利輕生微嫌必報有犯卽匿固舊習之  
汚乃今沐浴

聖化歌咏太平有日遷善而不知爲之者若黃劉古諸族  
彬彬爾雅爲學官弟子誦讀之聲流於山谷漸皆恥其俗  
之陋而化其性之頑更閱數年恐并其居處服飾飲食男  
女之間皆與華俗無異欲識其種而不可得矣至於鈞舟  
格磔各有土音分而譯之不能備載記云五方之人言語

不通聲名文物之地且然而況南蠻駛舌哉

桂林知府錢元昌粵西諸

蠻圖

記

一種苗人食用與民人同頭留長髮挽髻子四時用青布  
 或花布包頭男上穿短青衣到膝下穿青圍布非裙非褲  
 婦女頭髻挽於額前髻上插銀簪耳帶大銀圈頸帶項圈  
 上穿長花領青布短衣胸前常掛銀牌下穿青布短裙兩  
 腳脛常包花布男女俱赤腳苗語天曰梯地曰底日日宜  
 頭月曰迴落星曰些風曰風雲曰融雷曰播雨曰吁父曰



入母曰孖吃酒曰于就吃飯曰于擺吃肉曰于奶

一種名爲盤古徭傍高山深箐伐木耕山爲業不種水田  
男人有打辮子者亦有挽髻子者身穿衣服綿紗染成五  
色織造五彩布疋男子身上穿對胸長領青布衣至膝下  
穿青布褲婦女身上穿花布衣至膝下穿花布長裙青布  
褲四時男女俱用花布錦包頭說漢語亦另有徭語徭語  
天曰頂地曰捏日日易豆月日月豆星曰星雲曰欲雷曰  
累雨曰若父曰鴉母曰奈兒曰俸吃飯曰車凡吃酒曰車

都吃肉曰車虐

一種狗獠男人頭頂留髮挽髻子耳帶銀環上穿青布衣至膝下穿青布褲腰繫紅布帶四時用紅布包頭凡出入行動卽攜白麻布口袋一條所有物件俱裝袋內婦女長髮未嫁者打辮子已嫁者挽螺螄旋髻子於額前四時用青布蒙頭耳帶大銀圈上身內穿藍布短衫外穿絲絨織成花布長褂五色線邊腰細紅布帶下穿布裙青布短褲腳脛用青布纏裹男女俱赤腳說漢語亦另有獠語獠語

天曰挺地曰底日曰捻月曰夜星曰先風曰颯雲曰伍雷  
日哄雨曰許父曰甫母曰慕吃飯曰哽噉吃酒曰哽宰吃  
肉曰哽切

一種矜人卽平地獠男人頭頂留長髮挽髻子插簪子帶  
耳環上穿長花領青布短衣下穿青布短褲四時用白布  
包頭男女或赤腳穿草鞋婦女長髮用銀梳挽扁髻長簪  
壹根上穿花領青布短衣胸前常掛銀牌下穿青布細褶  
短裙青布纏腳矜語天曰捫地曰捏日曰捫月曰臉星曰

醒風曰令雲曰欲雷曰巴雨曰丙父曰不母曰丙吃飯曰  
揀考吃酒曰揀窖吃丙曰揀南

一種獐人頭頂留髮挽髻子插銀簪帶耳環頸上帶項圈  
四時用青布包頭青短衣青長褲婦女長髮挽髻子戴銀  
梳銀簪耳帶銀圈上穿絨織花布長領短衣胸前花兜肚  
下穿細褶長花裙獐語天曰穩地曰提日曰温月曰輪星  
曰老風曰籠雲曰烏雷曰把雨曰昏父曰撥母曰乜吃飯  
曰羹喫吃酒曰羹箕吃丙曰羹諾

以上俱得之訪聞

物產○沙木高大葉尖成叢穗少與杉異義寧出者佳綿木  
生永寧山中陽朔義寧皆有之細幹而柔韌治爲刀鎗柄  
長能及遠輕且不折銀出臨桂水槽野雞義寧牛路山龍  
脊茶出義寧赤麻出永福義寧

鹽法○龍勝廳餘鹽改引七百九十一道四分九釐羨餘增  
引二百四十三道帶銷秤頭鹽一百十三包八十二斤十  
五兩額徵東餉銀一千兩七錢八分六釐零龍勝舊領銷

義寧埠餘鹽乾隆二十四

西稅

權礦○廳屬陡坡山產銀鉛礦砂道光二十五年巡撫周

奏准招商試採

積貯○龍勝社倉額貯八千石息穀一千零十五石七斗共  
穀九千零十五石七斗

程守中先喜冷書偶有所見往往廢寢  
忘食以獲藏郵架為樂近得龍勝齋  
志一冊在商務印書館及北京大學  
圖書館所藏方志目均未著錄喜以  
余受而讀之覺其地僻野為吾人所  
神案不知是論文化胡口周審危稽考

精采采拾傳聞而成此書可謂苦心  
 孤詣矣近年我國學者有人物種生  
 物之考往殫克實測鄉者無指南  
 之車則此書固不僅徵文考獻之所  
 資已也中華民國二十五年十月吳  
 江昆烟橋誌於海上桐林客舍

